



AWEMainta

E DIFERENCIA DEN NOTICIA


MINISTER GEOFFREY WEVER DEN PROME REUNION CU HUNTA DI SUPERVISION NOBO DI KVK



MIEMBRO INDEPENDIENTE DI PARLAMENTO RYÇOND DO NASCIMENTO CELEBRA 70 AÑA DI CARNAVAL CU ALEGRIA, PERO SANAMENTE!

WARDACOSTA Y CUERPO POLICIAL ARUBA TA INTERCEPTA YOLA CU JERRYCANS

FUNDACION SANTA FE DE BOGOTA EXCELENCIA DEN ATENCION DI SALUD CU TA SUPERA E EXPECTATIVANAN DI HENDE



Market Leader of Business Software in the Caribbean

= exact

Solutions for:

- Finance
- Wholesale Distribution
- Professional Services
- HRM, CRM and BPM

Supports All Your Business Activities & Processes!

VCC
International NV

Minister Geoffrey Wever den prome reunion cu hunta di supervision nobo di KVK



Den un reunion diahuebs 1 di februari 2024, Minister Geoffrey Wever a tene un prome encuentro oficial cu e hunta di supervision nobo di Camara di Comercio. E encuentro aki a subraya e compromiso di tur partido involucra pa fomenta un ambiente colaborativo. “Ca-

mara di Comercio ta un partner importante pa por impulsa e agenda economico di Aruba”, segun e mandatario.

A discuti varios punto di importancia durante e reunion manera colaboracion entre diferente sectornan, iniciativan internacional pa inversion, retonan cu (falta) cantidad di trahado, y incentivan economico cu por traha riba dje, entre otro.

Minister Geoffrey Wever ta optimista tocante e oportunidadnan di esfuersonan colaborativo. Despues di un aña cu algun logro concreto, ta premira cu hunto cu Camara di Comercio lo amplia esfuersonan pa sigui promove comercio y crecimiento economico di Aruba.

Tur esaki ta posibel basa riba un plan strategico, colabora-

cion firme den region y un compromiso pa enfrenta desafionan economico directamente.”

“Mi kier felicita e board nobo, y ta desea Sr. Diederik Kemmerling hopi exito y iluminacion den su rol como presidente nobo y Sr. Robert Croes den su rol como vice presidente nobo. Tur clase di exito na e board completo, esta Monica Kock, Gavril Mansur, Eugene Farro, Derrell Maxwell y Omar Tromp. Camara di Comercio su board tambe ta conta miembronan nobo ta sr. Devaney (Dave) Martinus y sra. Nathalie Moore.”

“Tambe kier a gradici presidente saliente, Sr. Gavril Mansur, pa su esfuerzo y input valioso durante e ultimo aña. Sr. Mansur su cooperacion y entusiasmo sigur a yuda nos logra diferente meta, pa cual nos ta sumamente agradecido. Tambe un danki na Sra. Monica Kock kende a fungi como vice-presidente, y miembronan saliente manera Eugene Farro, Lay Hing de Kort-Yee y Wanda Broeksema pa nan aporte.”

“Sr. Mansur y su board tabata un partner strategico, cu a duna mi consehonan valioso y a yuda nos logra cosnan importante pa sector comercial, manera e.o e Trade Mission pa Colombia, y tambe e Business to Business Matchmaking entre comercio di Aruba y di Venezuela y hopi mas” - Minister Geoffrey Wever.

Fotografo ta descubri brommer horta

Diahuebs mainta pa 8.20 di mainta, e homber di inicial D.O. a presenta na warda di polis Eaglebeach caminda el a bin duna informacion riba un caso di un brommer cu el a haya den mondi.

Segun e cabayero aki, e ta un fotografo y diahuebs mainta el a dicidi di bay na Bubaliplas pa eynan busca parhanan entre otro, pa saca nan potret pero el a bin topa cu algo cu e no a spera. Canando den e matanan na Bubaliplas dado momento el a bin descubri un brommer cora sconde den e matanan y mesora el a sospecha cu aki ta trata di un brommer cu a ser horta y a wordo laga n’e sitio ey.

Oficialnan di polis hunto cu e ciudadano aki a bay n’e luga indica y en berdad polisnan ta bin haya un brommer cora



pero mesora a ripara cu varios pieza di e aparato a wordo kita y cu tambe a corta diferente kabel di e aparato.

Controlando den e sistema di registracion, e oficialnan di polis a confirma cu tin keho entrega pa ladroncia di un brommer cora AKT pero no a duna marca di e brommer y polisnan a pidi sosten di e pick-up di polis pa transporta e aparato pa warda di polis na Santa Cruz caminda el a wordo hinca te ora cu atende cu e caso aki.

Miembro Independiente di Parlamento Rycond do Nascimento

Celebra 70 Aña di Carnaval cu alegria, pero sanamente!

Desde cu nos ta mucha e ritmo dushi di “Jump With Your Towel” ta pone un smile na bo cara y duna bo alegria, pone bo move bo curpa, yenando bo body cu energia. E melodianan atractivo y e ritmo rapido ta drecha bo beis y kita tur stress. E ambiente ta excita, bo ta sinti bo feliz, bo ta lubida tur crisis. E atmosfera festivo di Carnaval ta pone bo sinti liber pa expresa y explora bo identidad cultural. Asina e locura di Carnaval ta drecha e bienestar general.

Di Westpunt te Colorado hende ta bin pa mira Lighting Parade cu su efectonan impresionante, mientras Jump-Up y e festivalnan ta ser prepara na Noord y San Nicolas, na Playa y na Santa Cruz. Ta tur caminda hende ta celebra cu musica y baile. Di Calypso te cu Tumba, di eleccionnan di reina te cu e parada. Carnaval ta un emocion cu pueblo ta biba cu su ritmo impulsivo y melodianan energetico, uniendo hende for di tur clase social, tur nacionalidad y tur generacion di jong te cu grandi. Asina e expresion importante di nos herencia Caribeño, ta fomenta un sentido di comunidad, un sentido cu nos ta pertenece na otro, y un alegria comparti, reforzando lasonan social y reduciendo division y polarizacion den nos sociedad. Hende feliz y mas contento cu hende cu a gana jackpot. Ta asina so nos ta mira berde brasa cu geel, ta grita “Aruba ta Hot”.

Tur e esaki ta atrae un cantidad di turista, cu mester come y bebe. Esey ta yuda e trahado te cu e comerciante, sinti cu nos talento y creatividad ta mas cu abundante. Claro, pasobra e elemento competitivo den e diseño di trahenan, composicion di musica, y coreografia di baile ta fomenta creatividad y innovacion. Ta asina nos ta pusha nos fronteranan cultural y nos expresionnan artistico den un sorprendente aceleracion. Ora nos habri nos mente, ta hasta dificil pa midi si ta e politico ta causa resultado of si ta artistanan, manera Cladius, ta nos abogado.

P’esey mi kier felicita henter e mundo carnavalesco pa e siguiente dies dia cu bo ta celebrando 70 aña di fiesta, goso y emocion. Pero, pauze un rato cu tanto alegria, hunto cu Cladius ainda mi tin algo di bisa. Cuidao bo ta baila dushi pasa bon, for di J’ouvert te cu Parada Grandi, sin paga tino riba bo actuacion. Ok, ok, bo no kier e “party to stop”, p’esey



bo ta grita “No! Bo ta loco?”.

Pero hinca esaki den bo coco: NO BEBE DI MAS. Henter dia bo ta bebe, ata anochi cabes den pochi wc. Despues, cu dolor di cabes, muhe ta zundra bo, core bo foi cas. Claro, bo lenga ta pisa, bo ta haci mahos, hasta bo ta bira fastioso. Bo kier core duro, bula fuse, dal bo auto den palo di luz! Si bo dal di mas, bo no kier yega cas, bo no tin gana di stuur, bo cara ta zuur. Hasta si bo para stret ora polis para bo, polis ta bay hiba bo. No bebe di mas pa bo no hera cas, pa bo cabes explota, y bo curpa keda mal kibra, pasobra bo ta wayaba.

Mirrors Beauty Academy ta ofrece e siguiente servicionan





Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure
Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Wardacosta y Cuerpo Policial Aruba ta intercepta yola cu jerrycans



e Poder den Mi

Cada experencia,
sea positivo of desafiante,
ta un oportunidad pa crece y bira

MAS FUERTE

e Poder den Mi

Ayera madrugada Wardacosta, den bon colaboracion cu Cuerpo Policial Aruba, a logra intercepta un boto tipo yola cu 4 persona riba lama. Despues cu a detecta e boto sospechoso, a dirigi dos boto di patruya Metal Shark n'e sitio.

Durante e persecucion e tripulantenan a tira diferente jerrycans den lama. Pa por a logra stop e boto, personal di Wardacosta a los un tiro di advertencia pa indica n'e capitan pa e para e boto.

Despues di a logra intercepta e boto, a haya na bordo 4 hende homber di e nacionalidad Venezolano. E agentenan di Wardacosta a logra saca tur e jerrycans nan for di awa. Wardacosta a entrega e 4 hombernan y e jerrycans, cual ta sospecha cu tin como contenido droga na Cuerpo Policial Aruba. E caso lo sigui den investigacion.

FLOOR MANAGER



Requirements:

- * Bachelors Diploma in Business Administration
- * Industrial and Production Engineer Diploma is a plus
- * Competitive Salary
- * Full Time Job
- * Flexible Hours
- * Experience is a plus
- * Training will be provided



Scan for Job
Responsibilities

Interested candidates please submit your resume to hr@doit.aw

SUPER
Doit Center[®]



Eric Ras(Curpa):

E mentira ta wordo promoví pero tardi of tempran e berdad semper lo mira luz di dia

Organisacion di Nacionnan Uni ta den un escandalo nunca bisto. Esaki tin di haci cu e masacre cu a tuma luga dia 7 di october 2023 na Israel. Un 1200 funcionario di e agencia di Organisacion Nacionnan Uni tin vinculo cu Hamas cu a ataca pueblo di Israel. Un total di 13 pais a para e contribucion n'e fondo financiero n'e Organisacion di Nacionnan Uni. E Sustainable Development Goals ta forma parti di e programa di Organisacion di Nacionnan Uni, mescos cu e Organisacion di Salud y e World Economic Forum cu tin como lema: lo bo no tin nada y lo bo ta contento. Poco poco tur cos ta saliendo na claridad. E metanan di Desaroyo Sostenibel ta hopi bunita hinca den otro pero den realidad ta: 1. baha e cantidad di poblacion mundial; 2. bin cu e paspoort digital; y 3 bin cu e moneda digital. Con e poblacion mundial ta wordo baha ta pa medio di e vacuna. Na 2019 Organizacion Mundial di salud a bin cu mas cu 54 vacuna compara cu na aña 1983 tabata tin 11 vacuna.

Nunca a existi un pandemia paso covid-19 no ta un virus sino un arma biologico y e vacuna cu nan ta papia di dje ta un experimento genetico cu nunca a wordo aproba. For di e informacion cu a bin den publicidad na New Zealand por a saca afo cu 11.000 persona, entre nan elitenan y politiconan, nunca a vacuna. Barry Young a haya importante pa saca e informacion aki pa motibo di e aumento di morto bow di esnan vacuna cu ta alarmante. E efecto secundario cu e vacuna a trece cu n'e ta miocarditis. Esnan cu a contrae miocarditis lo muri entre 5 pa 10 aña y akinan nos ta papia di mucha nan jong te cu hendenan di edad avansa. Big Farma a hiba un ganashi di 60 bion dollar y nan entrada pa uzo di e remedinan pa trata e efecto secundario lo yega na 500 bion di dollar. E ganashi barbaro tin mas balor cu e bida di ser humano. Tristo ta pa mira con gobiernonan rond mundo cu ta forma parti di e Desaroyo Sostenibel ta haci negoshi cu bida di nos pueblo.

Na Canada e prome minister ta shareholder di e compania cu a bende vacuna na gobierno. Na Italia tin un investigacion penal contra di e ex minister di salubridad y ta papia di un crimen contra bida di pueblo. No solamente na New Zealand pero tambe Merca pueblo a lanta y no ta tuma e vacuna mas. Nos sa tambe cu senador Robert Kennedy Jr a gana un caso contra di e departamento di salubridad Americano. Tambe a cuminsa detene esnan cu kier bin cu un otro arma biologico e aña aki pa uza mesun procedura di covid-19 cu na final mester hiba na un lockdown.

Pakico kier introduci e paspoort digital? Den e paspoort digital tin bo relato medico, si bo a ta vacuna of no, bo profesion, cuanto placa bo ta gana y bo cuenta di banco. Riba e parti di e moneda digital tambe ta bay tin mas control di parti di gobierno. Nos ta na vispera di e caida di banconan central rond mundo. Esaki t'e great reset. World Economic Forum no a logra su meta paso di otro banda tin e paisnan cu ta forma parti di BRICS. Na China si bo comete un infraccion den trafico ta kita bo placa di boet di biaha for di bo cuenta di banco. Si bo protesta contra di gobierno bo cuenta ta wordo blokia. Lo bo no por spaar placa mas paso si bo no uze, e ta wordo kita for di bo cuenta. Esaki t'e direccion cu nos gobierno ta hibando nos. Poco poco nos lo perde nos libertad. No por papia di privacidad paso esey tambe lo bo perde. Tampoco lo bo tin libertad di expresion.

E 17 puntonan di Sustainable Development Goals ta un plan bunita poni riba papel pero e ta un plan comunista. Esaki nos gobiernonan a cuminsa cu n'e bou di partido MEP tempo di agenda 21 y na 2015 bao di gobierno di partido AVP el a bira Sustainable Development Goals conoci p'e agenda 2030. Nos por corda e celebracion di 23 di september 2015 y aña pasa dia 23 september 2023 cu nos gobierno di coalicion di partido MEP y RAIZ a celebra. E celebracion aki ta mas bien un traicion na nos pueblo. Un cos si ta sigur, e plan aki di Nacionnan Uni a fracasa despues di locual cu a pasa di 7 di october 2023 na Israel.

Esnan responsabel lo tin cu aparece dilanti di un tribunal militar. Ainda nos parlamentarionan supuestamente cristian ta sigui defende nan gobierno enbes di sali na defensa di nos pueblo. Rond mundo nan lo bay pa esnan cu ta forma parti di e agenda 2030 p'esey hopi politico a cuminsa Sali na careda. Esnan cu a bay contra boluntad di Dios lo sufri e consecuencia di locual cu nan a sembra. Partido Curpa t'e unico alternativa.



Secretario General di Defensa a haci un bishita na islanan ABC

Secretario General di Defensa, Maarten Schurink, a haci un bishita di trabou na islanan ABC. El a combersa cu trahadonan di Marina, y Marechosé, Ehercito y Marechosé cu ta ubica riba Islanan di Caribe Hulandes. Cu un area di Costa di mas o menos 900 kilometer, hopi trafico aereo y acuatico ta haci di esaki un area dinamico, den cua e menasa no ta solamente hipotetico. Hunto cu Wardacosta, Duana, Polis in paisnan rondo, Defensa ta traha hunto pa zorg pa siguridad den Region Caribe Hulandes.

Secretario General Maarten Schurink su palabranan: “Hustamente den e tempo aki cu nos ta preparando nos mes pa un conflicto no desea dentro di cinco pa dies aña, nos tin mester di otro. Den Reino, y tambe pafo di Reino.”



SIGN UP NOW

VIA STIMAMI STERILISAMI'S WEBSITE &
SAVE UP TO 45% OFF YOUR PET'S
STERILIZATION COSTS PLUS GET A FREE
MICROCHIP!

**45%
OFF**

**FREE
MICROCHIP**



Eric Ras(Curpa):

Escandalo y falta di integridad a bira normal p'e gobierno actual

Kico ta pasando riba Aruba? Mi Dios Santo!!! Demasiado escandalo ta pasando tras di otro. Nos por corda cu parlamentario di MEP a exigi cabes di e persona cu tabata traha na Algemene Rekenkamer paso ela papia un tiki duro na Burger King. Awo e mesun parlamentario aki a bira mudo y no ta bisa nada mas. Si e ta conta p'e, e lo mester ta conta bo gobierno tambe. Acaso gobierno a tuma luga di dios, paso nan maldadnan no ta conta???

Nos por corda con politiconan di partido AVP a wordo yama pa tur sorto di cos. Awe scupi cu nan a lansa na laira a cay den nan cara. Por ta p'esey tur hende ta keto. Esaki ta integridad? Nos no ta nan pero nos por mas miho cu nan. Claro e parlamentario di partido MEP mester keda keto keto paso sino lubida gobierno.

Nos por a scucha cu lo no duna pueblo oportunidad pa paga impuesto riba number di auto despues di 31 di januari. Tur aña tabata extende e

periodo, pero awor diripiente no mas. Despues cu a bin cu BBO na frontera tabata kier pa luna di december caba paga e belasting riba number di auto. Nos gobierno no tabata kier pa nos pueblo recorda e binimento di Hesus n'e mundo aki y tampoco e aña nobo.

Otro prueba cu nos gobierno kier caba cu tur celebracion cristian probablemente cu e intencion pa pasa e ley di matrimonio di mesun sexo manera ladron den anochi y haya caminda habri pa sigui indoctrina nos hubentud cu un enseñansa cu mas y mas ta alehando di nos fe cristian. Pueblo no por permiti pa gobierno sigui cu Sustainable Development Goals. E metanan di e Sustainable Development Goals lo tin como consecuencia cu e bienestar di nos futuro generacion ta na peliger y mas medida lo wordo introduci. Medidanan cu tin nos pueblo strangula. Locual cu gobierno kier logra pa tur hende biba den pobreza. Paisnan manera na Cuba y Venezuela ta un bon ehempel.

Fiesta ta bon pero corda riba mañan. Nos tin sigur cu mayoria di nos pueblo ta desea p'e gobierno aki bay cas pa caba. Nos no tin e fecha y e ora pero un cos ta sigur cu e tempo di Dios ta perfecto. Na Europa e agricultornan a cansa di e gobiernonan socialista y nos por mira cu e mecha a cende na Europa. Spaña, Portugal, Francia, Luxemburg, Belgica, Alemania y Hulanda e agricultornan ta den un protesta pisa. Mundialmente lo bay tin scarsedad di cuminda. Si PVV no sali na defensa di e agricultornan e por wel di lubida di lo keda e partido mas grandi na Hulanda. Dimes nan a vota contra pa kita e btw for di fruta y berdura pa yuda e pueblo Hulandes ya cu eynan tambe prijsnan a bay halto.

Tempo lo bira hopi dificil pero tur hende lo haya sa cu tin un Dios na Aruba. E agenda di Sustainable Development Goals gobierno por hinc'e den nan maleta paso nan lo core bay sin mira patras. Rond mundo e agenda 2030 a cuminsa cay den otro y e gobernantenan sa kico ta spera nan. E agenda aki lo cay aki na Aruba tambe. Partido Curpa t'e alternativa.



Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexologia Podal
- Detox Lonico

Masaje Reductor

Masajes reductores contiene:

- Aparatologia Combinada
- Manta Térmica
- Maderoterapia
- Drenaje Linfático

Moldeo de Figura

con cierre de costilla y reloj de arena

+297-740-5235

Ubicación bajo demanda

BEAUTY & SPA

Varios profesional di siguridad na Aruba a ricibi un curso pa detecta documentonan fraudulentu



Recientemente, Departamento di siguridad nacional, Veiligheidsdienst Aruba (VDA), hunto cu autoridadnan Canades di Border Control, a tene un curso pa varios profesional di siguridad, riba con pa reconoce documentonan oficial, y e forma con awendia ta traha documentonan, fraudulentu. Prome Minister Evelyn Wever-Croes a expresa, cu e ta di suma importancia pa e profesionalnan ta bon prepara riba e tema aki, pa nan por detecta e documentonan falso aki di leu.

Manera ta conoci, mundo ta birando mas moderno, y esaki ta pone cu tur hende ta bira mas creativo. Aruba ta den recuperacion, cu ta positivo, pero cu esaki, e isla ta atrae tambe influen-

cianan malo, cu talbes por drenta solamente cu documentonan falso. P'esey cu cada paso pa bay padilanti, mester percursa pa autoridadnan ta bon prepara, pa sigura cu Aruba ta keda un isla sigur.

“Mi ta hopi contento cu e curso aki a wordo duna. Tin un grupo grandi di profesional local cu a haya e training aki, cu ta mas moderno, pa asina por detecta paspoort, cedula y/of otro tipo di documentonan cu mester pa drenta un pais, cu por ta falso. Tambe, mi ta gradici VDA pa organisa e curso aki, invertiendo asina den nos profesionalnan, pa asina nos tin e siguransa, di por tin un Aruba mas sigur”, Prome Minister a expresa.



PASEO HERENCIA

*THE BEST ENTERTAINMENT
IN THE BEST ENVIRONMENT*

- **LATEST RELEASES**
- **RECLINING SEATING**
- **LASER PROJECTION**
- **7.1 DOLBY SOUND**
- **RESERVED SEATING**
- **ONLINE TICKETING**
- **CONCESSION AND DELI**

Fundacion Santa Fe de Bogota

Excelencia den atencion di salud cu ta supera e expectativanan di hende

Na 1972, mas di 51 año pasa, a nace na Colombia Fundacion Santa Fe de Bogota. Un entidad social priva sin fin di lucro cu e proposito fundamental di sirbi, lidera y influencia positivamente den e sector di salud pa contribui na bienestar di e personanan y comunidad.

Desde e momento ey, el a wordo reconoci p'e generacion di balor na diferente condicion clinico, resultado superior den salud, implementacion y evolucion di proyecto strategico cu ta garantisa sostenibilidad y cultura, pero vooral pa su atencion humanisa, enfoca riba hende. = E Fundacion a destaca pa su compromiso cu e generacion di conocimiento científico propio, a traves di investigacion cu ta contribui den e tumamento di decision y e formulacion di maneho publico riba campo di salud.

Liderazgo den conocimiento y innovacion, na servicio di tur

E investigacion científico y clinica di Fundacion Santa Fe de Bogota ta contribui n'e desaroyo di solucion innovador y personalisa na reto medico specifico y ta permiti atende no solamente e malesanan existente, sino tambe na anticipa y prepara p'e posibel retonan futuro den salud.

Esaki ta garantisa cu e institucion ta ekipa pa confronta situacion medico emergente cu e maximo eficacia. Cada año nan ta dirigi mas di 100 proyecto di investigacion cu e obhetivo di genera conocimiento util y pone nan na servicio di comunidad di forma científico, confiabel y eficiente.

E institucion ta conta cu profesional cu ta hunga un papel crucial den



e generacion di conocimiento y den e mehoracion continuo di asistencia medico. Na 2023 a publica 369 articulo científico den revista indexa, consolidando nan presencia den e revistanan mas influyente na nivel mundial, cu publicacion di renombre den New England Journal of Medicine, Nature y JAMA Neurology, entre otro.

Fundacion Santa Fe de Bogota ta esforsa pa pone na disposicion di e pashentnan e ultimo innovacionnan medico, garantizando asina un tratamiento mas eficaz y personalisa. Den e contexto aki, e tecnologia y innovacion ta lanta como e pilar cu ta impulsa e progreso di atencion medico, fortaleciendo su posicion di liderazgo.

E indice H, cu ta midi productividad y e impacto di e investigacion, a aumenta 17 punto den e ultimo 4 año, alcansando un balor di 58. Fuera di esey, ta un di e cuater entidadnan mas productivo den investigacion di salud di Latino America y ta promove desaroyo di e generacionnan presente, alcansando un balor di 58. Tambe, ta un di e cuater entidadnan mas productivo den investigacion di salud di Latino America y ta promove e desaroyo di e generacionnan presente y futuro di dokter, nurse y personal di salud.

E Fundacion tambe ta enfoca su esfuersonan den educa e comunidad nacional y internacional den tema di prevencion y reestablecimiento di salud, pa logra un ayudo berdadero den e bienestar di e personanan, esaki ta logra a traves di multiple canal, medio di comunicacion y red social y contenido riba medio masivo di comunicacion. Na 2023 el a alcanza mas di 400 publicacion den medio masivo y a yega na mas di 120 episodio riba su podcast semanal Cuida tu Salud®, fuera di e revista digital mensual y su website nobo.

E cancer mira y trata manera debe ser

Na november 2023 a inaugura na publico e instalacionnan nobo di e Instituto Oncologico, como tambe e tecnologia di punta pa mehora e tratamentonan oncologico. E renobacion di infraestructura aki ta bin compaña tambe di un tecnologia di radioterapia cu ta mehora e eficacia, e tempo y e procesonan di recuperacion di e pashentnan oncologico.

E Instituto Oncologico di Fundacion Santa Fe de Bogota na Colombia, ta conta cu e tecnologia y beneficio di Radixact X9 cu Sincornia, pa mehora e oferta integral di servicio di e Fundacion. E ekipo aki di radioterapia ta diseña pa administra e dosis prescribi na pashent cu precision submilimetrico. E sistema di tratamiento Radixact X9 cu Sincrony ta permiti un nivel halto di precision cu un plataforma totalmente integra p'e planificacion inteligente di e tratamiento, e maneho di dato y administracion di e tratamiento.

[Cont. na siguiente pagina]

BELGA STAR
IMPORTED PREMIUM LAGER

Special
LIGHTING PARADE

\$54.50
Special Price

2 Y 3 FEB '24

*Promocion ta valido riba fecha menciona y tanten cu tin den stock.

SUPER Doit Center



E centro di atencion clinico mas certifica di mundo

Na 2023, Fundacion Santa Fe de Bogota a consolida como e hospital cu mas certificacion na nivel mundial (*fuera di Merca) di parti di Joint Commission International (JCI), entidad cu ta certifica y ta acredita e excelencia y siguridad. Su esfuerzo y compromiso cu e calidad halto y e resultadonan riba salud, a logra 19 certificacion riba e centronan di atencion clinico, manera:

- Cancer epitelial di ovario
- Cancer di pulmon
- Transplante di higra
- Ataca Cerebrovascular (ACV)
- Estrechamento di e canal lumbar
- Protesis di heup
- Protesis di rudia
- Substitucion di e articulacion di e schouder
- Diabetes
- Patologia Benigno di galblaas
- Malesa tromboembolico venoso
- Hidrocefalia normotensivo
- Atake masivo di miocardio
- Mieloma multiple
- Schouder - Manguito Rotador
- Neoplasias peritoneal
- Obesidad
- Ortogeriatría
- Cancer di prostaat

Fuera di esey, na 2023 nan a obtene pa di dos biaha e certificacion Planetree International Gold Level pa su excelencia den atencion enfoca riba persona cu distincion na Liderazgo y Innovacion, e mayor grado di reconocimiento cu e organizacion mundial aki ta otorga.

Salud pa un y tur

Den e area di Salud Poblacional, nan ta enfoca nan trabao den cinco liña di intervencion cu e sosten di diferente socio p'e desaroyo di investigacion cu ta motiva accion y tin impacto den e bienestar di e comunidadnan, prevencion y control di malesa transmisibel, salud mental y convivencia, bida saludabel y malesa cronico no transmisibel, siguridad alimentario y nutricional y salud sexual, reproductivo y materno-infantil.




Riba un solo liña cu su obhetivo di comparti conocimiento, beneficia e profesionalnan di salud y contribui e avancen global di medicina, na 2023 a impacta mas di 76 mil persona a traves di nan programa di educacion continuo.

Adicionalmente nan ta enfoca nan atencion den nan talento humano. Asina hopi cu 91% di e colaboradornan ta considera Fundacion Santa Fe de Bogota como un gran luga pa traha y a obtene e certificacion Great Place to Work.

Den materia di Sostenibilidad, cu e participacion di tur e areanan di e Fundacion, ta contribui n'e cumplimiento di e Obhetivonan di Desaroyo Sostenibel (ODS) y su metanan specifico. Tur e accionnan ta encamina na promove e bienestar di e personanan y e comunidadnan di Colombia y e region. P'esey ODS 3 riba Salud y Bienestar ta fundamental den e comprension di e aportenan. E institucion ta reporta su Informe Anual di Sostenibilidad cu standard GRI.

Su infraestructura tambe ta concebi den cuadro di e responsabilidad cu e medio ambiente y bienestar. Recientemente, nan a inaugura e edificio nobo ambulatorio pa servicio di salud. A diseñ'e pensando riba comodidad y bienestar di e pashentnan y nan famia. E espacionan di e edificio ta ofrece un ambiente moderno y acogedor cu ta faborece e recuperacion, atencion personalisa y e cuidado di medio ambiente.

Website: <https://fundacionsantafedebogota.com>



Bin bishita nos y probecha!
Paña di bon calidad na bon prijs.

Adres: Avenida Milio J. Croes 47 local 3
Telefon: 5646733 - 5653466
E-mail: info@carlymar.com

Punxsutawney Phil ta pronostica primavera trempan durante e festividadnan di Groundhog Day

Punxsutawney Phil a pronostica un primavera trempan riba un mainta nubla diabierna na Gobbler's Knob (Pennsylvania), escenario celebracion mas grandi y mas conoci di Groundhog Day na Merca. Segun e grupo, e echo cu e marmot mira su sombra ta pronostica seis siman mas di winter.

Prome cu e anuncio, presidente Tom Dunkel, cu e tradicional sombre di halto y smoking cu e circulo mas intimo di e club ta bisti, a splica cu su baston hereda for di e presidentenan anterior, entre nan su tata, ta dun'e e poder di papia "Groundhog-ese" y cu Phil lo bis'e cua di e dos pergaminonan mester uza. Segun Dunkel, e publico a yud'e lanta e marmot bisando na varios ocasion "Phil" prome cu un miembro di e club a saca e marmot door di un porta den un troncon di e escenario y manten'e na halto.

Vice-presidente Dan McGinley a lesa e decision ,skirbi den verso y yena di chasco riba e envidia e marmot p'e duimnan opuesto di e humanonan y e speransa pa logra haya algun voto por escrito di Punxsutawney Phil den 2024, di e pergamino scogi y anuncia: "Feliz noticia aki riba Groundhog Day, un primavera trempan ta na caminda."

Den e ultimo añanan, por lo menos 10 mil persona a acudi na Punxsutawney, caminda cu e festividadnan ta cuminsa den pleno nochi y ta culmina cu pronostico di winter. Un multitud bisti cu jas, algun cu sombre di e marmot, a asisti n'e actuacionnan musical y vuurwerk mientras cu nan tabata spera e salida di solo y e aparicion di Punxsutawney Phil.

Gobernador di Pennsylvania, Josh Shapiro, a subi riba escenario prome cu Phil a sali pa pidi tur hende pa bay n'e festividadnan ora cu bin Punxsutawney e aña cu ta bin. Shapiro tambe a anuncia cu e famoso marmot ta meteorologo oficial nobo di Pennsylvania.

"Punxsutawney awo mes t'e centro di universo y mi ta encanta cu boso tur ta aki," Shapiro a bisa.

Phil ta pronostica mas winter cu hopi mas frecuencia cu e ta mira un primavera trempan, loke no ta un mal cos pa februari y maart den e parti west di Pennsylvania. Un agencia federal a analisa su historial aña pasa y a calcula cu su indice di pronostico tabata di 40%.

Mientras cu e mainta a avansa, a surgi algo parecido na un consenso riba e marmot, cu a respalda e pronostico di Punxsutawney Phil riba e adelanto di e primavera. Entre mas di un dozijn di informe di marmot pronosticado di tempo na Merca y Canada den e prome ora di diabierna, 10 tabata na banda di Phil y solamente tres a adverti di seis siman mas di winter.



Octoraro Orphie, di Quarryville (Pennsylvania), rival di e marmot di Punxsutawney desde mas di un siglo, ta bisa cu e friu lo keda durante un tempo. Pero e marmotnan di Staten Island (New York), Nova Scotia y Quebec (Canada), Connecticut, Georgia, Illinois y Ohio a mostra na favor di Phil: un primavera trempan.

E tradicion di celebra e punto medio entre e dia mas cortico di aña durante e solsticio di winter y e equinoccio di primavera ta bay bek hopi siglo atras den e bida agricola Europeo. Na Pennsylvania tin mas di un dozijn di club di marmot activo, algun di cual ta bay bek na decada di 1930 y den por lo menos 28 estado di Merca y provincia Canades a aparece marmot cu ta pronostica tempo.

E pelicula exitoso di 1993 "Groundhog Day," protagonisa pa Bill Murray, a biba e interes pa Punxsutawney Phil y a inspira observacion informal tur caminda.

Ora cu e no ta haciendo su pronostico anual, Phil ta biba den un espacio adapta, hunto cu Punxsutawney Memorial Library, cu un bentana caminda e usarionan di e biblioteca por tira un bista na su neishi. Na 2009, e trahadonan di e biblioteca a bisa cu Phil a logra scapa tres biaha, subiendo riba dak di e biblioteca y cayendo den e oficianan mas of menos 15 meter di distancia. E no a resulta herida.

Minister Geoffrey Wever:

Digitalisacion di proceso di vestigingsvergunning ta dunando su fruta nan

Desde inicio di gobernacion Minister Geoffrey Wever y Departamento di Asuntonan Economico, Comercio y Industria (DEZHI) tabata tin e meta pa mehora e proceso di habri un negoshi na Aruba. Asina aki hopi instancia gubernal a bay over na digitalisacion unda cu e cliente no tur ora mester acudi personal pero por regla hopi cos online. Asina aki DEZHI a conduci un survey pa haya sa con satisfecho cliente nan ta cu e servicio brinda personal y digital di DEZHI relaciona cu vestigingsvergunningen, pues permisonan pa negoshi.

Por nota cu tur esnan cu a participa n'e survey aki alrededor di 80% ta satisfecho cu e servicio brinda como tambe e experiencia di haya e informacion nan



debido via e website di DEZHI. Door di e digitalisacion tambe awor DEZHI ta duna permisonan hopi mas

rapido. Awor un comerciante por tin su permisonan ya caba den 2 pa 4 siman dependiendo di e complehidad di e petición/bedrijfsactiviteit/doelstelling of cantidad di directornan.

DEZHI lo bay keda haci survey nan asina pa keda monitor y mehora nan servicio unda cu mester.

“Mi ta contento di por tende cu e proceso di digitalisacion ta dunando su fruta nan,” Minister Wever a cuminsa ta bisa, “Parti di vision di nos Ministerio ta pa nos minimalisa redtape y optimalisa e servicio pa haci’e mas facil pa haci negoshi aki na Aruba.”

Minister Geoffrey kier a gradici e team completo di DEZHI pa cu e trabou nan cu nan ta desplegando.

Inscripcion a habri pa competencia di Poeta di Patria 2024

Eña aki un biaha mas Comision Celebracion Dianan Nacional (CCDN), Departamento di Cultura Aruba (DCA) hunto cu Comision Arte di Palabra y Fundacion Corector di Papiamento, ta organisa e prestigioso competencia pa nombra nos di diesun Poeta di Patria pa aña 2024, kende ta un iniciativa di Sr. Atan Lee di feliz memoria.

Pa e motibo aki nos ta extende un invitacion na tur escritor, poeta y declamado di 18 aña y mas, pa busca den nan curason e inspiracion pa skirbi bo miho elogio y poema na Papiamento, di nos dushi tera Aruba y su Cultura. E ultimo dia pa inscribi pa participa lo ta dia 26 di februari y pa entrega bo obra ta dia 29 di februari 2024. E competencia di Poeta di Patria lo tuma luga dia 7 di maart 2024 na Museo Historico Aruba (Fort Zoutman) pa 7pm. Escritornan cu inscribi lo mester bin presenta nan obra, si acaso bo mes no por presenta bo obra, por laga un otro persona present’e pa bo.

Cada escritor por entrega un (1) obra, e poema mester ta na Papiamento y por tin entre 4 cu 9 strofa; cada strofa mester tin 4 frase y por rima.

Lo tin premio pa e Poeta di Patria y pa di dos y di tres luga.

Pa inscribi pa Poeta di Patria y tayer, por manda un e-mail na artedipalabra@gmail.com, of por yama na Departamento di Cultura pa mas informacion Tel: 5822185



Parada Escolar - Muchanan yena cu energia

Parti 1



Parada Escolar - Muchanan yena cu energia

Parti 2



Les Cappuchinas ta uni cu Stimami Sterilisami

Un iniciativa conmovedor pa yuda Aruba su cacho y pushinan



Fundacion Stimami Sterilisami ta sumamente contento di anuncia cu Les Cappuchinas Café & Eaterie a lansa un iniciativa conmovedor y un menu delicioso cu e meta pa recauda fondo pa sostene e esfuersonan di Stimami Sterilisami pa yuda combati e crisis di cacho y pushi riba caya. E menu special lo ta disponibel durante henter e luna di februari, of manera e ekipo di Les Cappuchinas ta yame “E Luna di Amor pa nos Mascotanan.”

Den e promocion special aki, e café elegante situa den e curason di Oranjestad, lo ofrece cuminda y bebida exclusivo incluyendo e Dalmatian Latte (Oreo Latte), Dalmatian Croffle (Oreo Croffle), Paw-shaped Butter Cookies, y Cupcakes tematico. 80% di e entrada di e bentananan aki lo ser duna generosamente na Stimami Sterilisami, yudando e fundacion den su esfuersonan pa sterilisa cacho y pushi, y conscientisa pueblo di e necesidad pa cuida nan mascota.

Descubri e encanto di Les Cappuchinas cu su indoor-dining elegante y comodo, of sinta pafo den nan hardin bunita y pet-friendly. E oasis sereno aki, rodea door di matanan di fruta manera Dragonfruit, Mango, y Soursop, ta ofrece e ambiente perfecto pa savoria nan cuminda dushi hunto cu bo mascota. Ademas, e café tin un ambiente trankilo cu Wi-Fi, brinda brindando nan clientenan un espacio perfecto pa relaha, traha of gosa.

“Na Les Cappuchinas, nos ta kere den e poder di comunidad y compasion pa haci un diferencia real. E colaboracion aki cu Stimami Sterilisami ta encarna nos vision comparti y esfuersonan pa un futuro miho pa cacho y pushi riba nos isla. Hunto, por medio di e iniciativa special aki, nos ta mira pa no solamente recauda fondo, pero tambe pa lanta conscientisacion tocante e asunto critico di sobrepoblacion di animalnan sin doño.

E ta mas cu solamente sirbi cuminda y bebida delicioso; e ta tocante sirbi nos comunidad y duna bek na esnan cu no tin un bos. Nos ta orguyoso pa traha hunto cu Stimami Sterilisami y ta invita nos clientenan pa uni cu nos den e meta significativo aki,” Susanne Li, Directora di Les Cappuchinas ta comparti.

Fundashon Stimami Sterilisami ta profundamente agradecido pa e apoyo increibel di henter e team di Les Cappuchinas Café & Eaterie. Nos ta invita henter comunidad pa bishita e café, y disfruta di e promocion dushi y significativo aki. Bo participacion lo contribui na un futuro mas briyante.

Corda reserva bo cupo pa nos prome Pop Up Market dia 2 di Maart

Despues cu aña pasa Departamento di Agricultura, Cria y Pesca Santa Rosa a bin n'e idea pa cuminsa cu algo chikito pa nos productornan local cu a resulta den un Pop-Up Market exitoso. Awor nos ta cla pa continua cu esaki den luna di maart venidero.

Hopi ta esnan cu a haya e idea aki uno interesante y sigur a wordo sosteni pa nos bishitantenan mirando e acogida cu esaki a haya durante 2023. Hopi ta esnan cu a encanta e idea pa motibo cu e ta den un escala mas chikito y ta duna e oportunidad n'e clientela pa mira y probecha di un of otro producto fresco mas facil. Sin mucho molester por yega cumpra y sigui cu otro compromisonan. Ta simplemente un cantidad di 15 productor local cu tin un of otro producto fresco n'e momento ey por yega na remarke den nos Pop-Up Market. Claro nos kier tene den un escala mas chikito pa asina facilita tur nos bishitantenan y sigur tambe e productor por sali mas facil for di nan producto fresco cu nan tin n'e momento ey pa ofrece.

Faltando apenas un luna pa nos Pop-Up Market cu lo ta planea pa tuma luga riba diasabra dia 2 di maart venidero.

Nos ta haci e siguiente apelacion dado caso cu bo tin producto fresco p'e fecha menciona por tuma contacto cu nos departamento na 585-8102 pa asina reserva bo luga y pa nos por ta na altura kico t'e producto cu bo ta bay ofrece p'e Pop-Up Market. Nos ta desea pa por tin un variedad di producto produci localmente pa ofrece nos bishitanan riba e dia aki. Orario lo ta for di 8'or di te cu 11'or di mainta caminda Aruba completo por bishita y hasi nan compras riba e diasabra aki.

Nos ta invita e pueblo di Aruba pa marca e fecha aki cu ta diasabra 2 di maart pa bishita nos Pop-Up Market y disfruta haciendo bo compras di e productonan fresco cu lo bay tin pa ofrece aki mes na Santa Rosa.

Nos Pop-Up Market lo ta facil, conviniente y rapido.

Bishita nos prome Pop Up Market p'e aña aki y comproba pa bo mes.



Un biaha mas EPB ta di fiesta!



Diahuebs atardi ultimo, Stichting EPB a formalisa e “Onderwijs & Examenregeling” (OER) pa cu su opleidingnan nobo. Un trabou cu a dura 2 aña, caminda diferente docente y directiva a traha intensivamente, den colaboracion cu Departamento di Enseñansa y Inspectoria. Esaki sigur ta un

momento di celebracion!

Den e OER por haya tur informacion necesario encuanto un opleiding: su programa, minutentabel/rooster, planning di toetsen y examens, etc. E opleidingnan nobo di EPB ta ekivalente na e opleidingnan MBO 2 di Hulanda.

E OER ta un di e rekisitonan cu EPB mester cumpli cu ne, pa por obtene un “Erkende Opleidingscode” cerca DUO na Hulanda. Esaki ta nifica cu e diploma di e studiantenan por wordo registra den e sistema na Hulanda, cual lo habri mas porta pa nan den futuro.

Na augustus 2022 EPB a start 4 opleiding nobo:

1. All Business Services (nivel 2)
2. Gastheer/-vrouw (nivel 2)
3. Helpende Zorg en Welzijn (nivel 2)
4. IT Medewerker (nivel 2)

Na augustus 2023 a añadi 2 opleiding nobo:

2. Monteur Elektrotechnische Installatie (nivel 2)
2. Kok (nivel 2)

Na augustus 2024 EPB ta desea di por habri e siguiente opleidingnan:

1. Timmeren (nivel 2)
2. Medewerker Service Gebouwen (nivel 2)
3. Bakker (nivel 2)

E proposicion aki ta cerca Minister di Enseñansa pa aprobacion.

Directiva di EPB ta hopi orguyoso y ta felicita henter e comunidad di EPB cu e gran logro aki.

APPAREL **BOAT ACCESSORIES**

TODOMAR

f TodomarAruba @TodomarAruba TodomarAruba +297 585 0555

FISHING TACKLE **FIBERGLASS PRODUCTS**

Hermoso pan de coco | Fácil y Delicioso |



El hermoso pan de coco es una dulce sorpresa increíble. Es ligero, esponjoso y con relleno de coco dulce. Parece una flor deliciosa y suave. Perfectamente nutritivo y no demasiado exigente de preparar.

Receta

TIEMPO PREVIO: 3 h 25 min
 HORA DE COCINAR: 15 minutos
 TIEMPO TOTAL: 3 h 40 min
 4SERVICIO

Ingredientes:

Masa:

1,5 taza de harina de pan
 1 huevo mediano , 30 gramos
 1 cucharadita Levadura instantanea
 0,25 cucharaditas. Sal
 1,5 cucharadas. Azúcar
 0,5 taza de leche fría
 1,76 cucharadas. Mantequilla ablandada sin sal

Rellenos de coco:

1 huevo mediano , batido
 2,4 cucharadas. Azúcar glas
 2,11 cucharadas. Mantequilla ablandada sin sal
 10 cucharadas Coco rallado

Direcciones:

1 - Prepare la masa: En un tazón, combine la harina para pan, el huevo, la levadura instantánea, la sal y el azúcar. Agregue gradualmente la mayor parte de la leche helada y reserve una pequeña cantidad, aproximadamente 1 cucharada, para más adelante.

2 - Coloque el tazón firmemente sobre la base de la batidora. Inserte el gancho para masa y comience a utilizar la velocidad más baja. Mientras amasas, agrega poco a poco el resto de la leche hasta que la masa quede homogénea.

3 - Incorporar la mantequilla blanda a la masa. Continúe amasando hasta que la mantequilla esté bien incorporada, deteniéndose para comprobar la elasticidad de la masa cada dos minutos.

4 - Después de mezclar, comprobar la consistencia de la masa con la prueba del cristal. Sigue estirando hasta que quede una película fina en el medio sin romperse. La masa debe quedar lo suficientemente fina como para que la luz la atraviese. Si se obtiene sin desgarros, entonces la masa está bien amasada. Tapar la masa y dejar reposar en un lugar cálido durante 2 horas.

5 - Prepare el relleno de coco: en un recipiente aparte, mezcle el huevo batido, el azúcar en polvo, la mantequilla blanda y el coco rallado. Divide esta mezcla en 6 partes iguales.

6 - Forma una bola con cada parte y refrigéralas hasta que las necesites.

7 - Dar forma al pan: Una vez que la masa haya subido, divídela en seis partes iguales. Forma una bola con cada parte y déjalas reposar durante 20 minutos.

8 - Aplana cada bola de masa y coloca una bola de relleno de coco en el centro. Encierra el relleno envolviendo la masa alrededor, formando una bola rellena.

9 - Extienda cada bola rellena con cuidado y luego haga algunos cortes en la masa sin cortar el relleno. Dale forma de flor como se muestra en el vídeo.

10 - Deje que estos panes con forma vuelvan a crecer durante 50-60 minutos. Antes de hornear, úntelas con huevo batido.

11 - Hornear: Precalienta el horno a 170°C (340°F). Hornea las flores del pan por 15 minutos o hasta que estén doradas.

¡Disfrutar!

NOTAS FINALES

El uso de leche fría ayuda a conseguir una textura suave y tierna en el pan.

Fortaleza pa Famia

Un bida triunfante den Cristo

P'ESEY mescos cu boso a ricibi, Cristo Hesus, e Señor, asina cana den dj'E, siendo firmemente planta, y awor edifica den dj'E y establece den boso fe, mescos cu boso a wordo instrui, y ta abunda den gradicimento (Colosensenan 2: 6-7).

E a haci boso bibo hunto cun'E. Door di perdona nos tur nos trangreccionan, door di cancela e certificado di debe, cu tabata consisti di decretonan contra nos, y cu tabata hostil pa cu nos. Y E a kit'e for di caminda door di clab'e na cruz. Y ora E a desarma e gobernantenan y autoridadhan. E a expone nan publicamente, door di triunfa riba nan pa medio di dj'E (Colosensenan 2 :13-15).

P'ese y si un hende ta den Cristo, ta un criatura nobo e ta: e cosnan bieu a pasa y a wordo haci nobo (2 Corintionan 5:17).

Laga nos permanece den e libertad cu Cristo Hesus a duna nos, y no bolbe bek den e mundo di inmoralidad, paranda, violencia, abuso, y malicia.

Esun cu E yiu a haci liber, ta liber di berdad. Pasobra salvacion ta bini solamente di Cristo Hesus, pasobra ta Cristo a muri na cruz pa nos tur pa pordon di nos picanan.

E no a salba nos pa nos bay bek den mundo di maldad, no laga nos uza e libertad cu a costa bida di Cristo como libertinahe, y bolbe bek den caminda di scuridad, haciendo manera nos no ta balora e salvacion tan grandi, cu Cristo a duna nos.

Nos ta yama pa sirbi Cristo Hesus, y bandona tur clase di idolatria, di nos bida pasado, nos ta yama pa aparta for di maldad, huy for di caminda di inmoralidad, y por favor no tenta Dios, no bay bek den lodo.

Pa hopi esaki ta un temporada di hopi tentacion, nan ta bisa den pueblo "caya ta yama", pero e sanger di Cristo Hesus tin poder, pa libra hende di caya y di maldad, asina para firme den e bida triunfante cu Dios a duna nos, no bandona Señor.

Un temporada caminda hende ta bebe y lubida Famia, completamente, un temporada caminda hopi ta bay trabao burachi, of droga, nan ta sali di parada, pa parada, fiesta



pa fiesta, pasobra e actividad nan ta un pega tras di otro, y hende por cuminsa bebe for di mainta tempran awe, te manece mañan cu Dios kier.

Nos no ta yama pa laga e diablo domina nos bida, pero nos ta yama pa laga Cristo tuma control di nos bida completamente, pasobra e mesun hende cu bo ta awe, lo bo ta mañan cu Dios kier tambe.

No benta bo curpa abao pa alaba e malvado, no destrui bo mes y bo famia, pasobra mañan cu Dios kier ta mesun famia bo mester, pasobra nan ta di bo.

Hopi hende den cayente di carnaval ta comete erornan cu despues di carnaval nan ta lamenta, pasobra nan a cay bao di dominio di e malvado, tin hende cu ta lamentando eror carnavalesco cometi den pasado te cu dia di awe, p'ese y no laga e spirito diabolico aki influencia bo, y asina aleha for di caminda di Dios bibo.

Un fiesta di rebeldia y desobediencia na Dios, caminda mayoria hende mester bebe pa nan tin goso, of hopi mester ta droga pa nan tin goso, pero ta lubida cu e goso den Señor ta nos fortaleza. Laga nos haci hopi oracion, pa Dios tene misericordia, pasobra e ladron ta bini pa solamente horta, mata y destrui (Juan 10:10).

Sinceramente, Pastor Marcel Balootje

Tension ta aumenta

Ejercito Mericano ta destrui misil Houthi dirigi contra Saudi Arabia

INTERNACIONAL - Den un movecion proactivo, e ejercito di Merca a intercepta y a destrui un misil Houthi cu supuestamente tabata prepara pa wordo lansa contra Saudi Arabia dia 31 di januari 2024. E reaccion aki a tuma luga despues di e atake mortal cu misil di e Houthinan dia 29 di januari 2024, cu a causa morto di un miembro di e servicio Mericano y a herida cuater otro.

Vocero di Pentagono, John Kirby, a declara cu e militarnan Mericano a considera e accionnan di e Houthinan un "menasa inminente" p'e personal y e instalacionnan Mericano na Saudi Arabia, loke ta hustifica e accion defensivo. Kirby a subraya e compromiso inkebrantabel di Merca di duna sosten na defensa di Saudi Arabia y proteha nan interesnan den e region.

E rebeldenan Houthi, cu ta controla gran parti di nort di Yemen, a ataca Saudi Arabia persistentemente cu misil y drone desde 2015. E coalicion lidera pa Saudi Arabia, respalda pa Merca, a participa den un conflicto largo pa restaura e gobierno di Yemen na poder.

Expresando su profundo preocupacion, e Departamento di Estado di Merca a condena e atakenan Houthi, denunciando nan como inaceptabel y un desprecio flagrante pa bida civil. E comunidad internacional, incluyendo Merca, a pidi e Houthi reiteradamente pa nan para cu e atakenan di inmediato.

E atakenan di e Houthinan a aumenta e tension den e region, loke a yega na Iran, como partidario di e rebeldenan Houthi, como advertencia pa nan no interveni mas. Merca ta sigui enfoca pa rebaha e tension y impedi cu e Houthinan uza arma suministra pa Iran den e atakenan contra Saudi Arabia.

E reciente atake militar aki ta forma parti di un strategia mas amplio uza pa Merca pa contraresta e menasa Houthi. E accionnan anterior ta inclui e atake aereo di november 2023. N'e mesun momento, Merca ta colabora cu otro pais pa proporciona ayudo humanitario na Yemen, cu ta enfrenta un crisis humanitario grave. Cu miyones di persona na riesgo di hamber y un perdida calcula di 377 mil bida, e situacion ta subraya e necesidad urgente di solucion diplomatico pa mitiga e impacto devastador di e conflicto.



"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa frankil,
pa mi bolbe haña forsa".
Salmo: 23

Cu dolor na nos curason, nos ta participa fayecimento di nos ser stima:

Sra. Isidoria M. Rasmijn-Tromp

Cariñosamente yama "Chima"
*15-05-1954 - †29-01-2024

Su Mayornan

Tata: † Serapio (Jajachi) Tromp

Mama: † Tomasina (Onsi) Tromp - Boekhoudt

Su Casa:

Alberto (Mencho) Rasmijn

Su Yiunan:

Melina Ayring y Mario (Shati) Kelly - Kelly
Melinda Marlin y Gilbert (Gibi) Kock - Kelly
Wilbert Alvinio Kelly

Su Nietonan:

Richmar Kelly Y Canryenne Tromp
Igmar Kelly y Daniella Ariza Polo
Gilery Kock
Sigmar Kelly Y Darienne Santos Diaz
Gillianne Kock
Gilmery Kock

Su bisanietanan:

Alayna Kelly
Delainy Kelly

Su rumannan:

†Cerilio (Buchi) Tromp y familia
Candido (Candi) y Mena Tromp - Geerman y familia
Leoncita (Lucy) Tromp y familia
†Andres (Fenchi) Tromp y familia

Yiunan di su casa:

Sharline Rasmijn y familia
Jacqueline Camara Da Silva - Rasmijn y familia
†Francis Rasmijn y yui
Gilbert Rasmijn y familia

Su Ihanan:

Josef Wernet
Mirla Tromp
Jarmin Croes - Tromp

Swa y Cunanan:

Shaki Rasmijn y familia
Emilia Rasmijn y familia
Modesto Rasmijn y familia
Sara Rasmijn y familia

Sobrino y sobrinanan, sobre sobrino y sobre sobrinanan, primo y primanan, comer y compernan, bisñanan y conociran, ex colega di Departamento di Enseñansa y miembronan di OPPA.

Y demas familia: Tromp, Boekhoudt, Rasmijn, Kelly, Kock, Croes, Geerman, Brete, Navas, Wernet, de Nobrega, Vrolijk, Wever, Dirksz, v/d Biezen, Lampe, Jansen, Hernandez, Giel, Gil, Erasmus, Bislip, Loefstok, Limunier, Henriquez, Krosendijk, Boekhout y Winterdaal.

Acto di entierro lo tuma lugar dia **5 Februari 2024** pa 4or di atardi saliendo for di Aurora funeral home pa Santana Catolico na Paradera.

E resto mortal di defunto lo ta reposa for di 1 or di atardi na Aurora funeral home.

Sin den nos dolor por a lubida un familiar nos ta pidi mil disculpa.

Despues di entierro nos no por ricibi bishita di condolencia na cas.



"Dios ta amor... y amor ta Dios,
maske mi no ta na e mundo aki, tur dia lo mi ta
banda di boso Curazon, mi por stens di loke Señor
ta hasi". - Salmo 33

Cu inmenso triestesa ta anuncia fayecimento di:

Vilette Maria Falconi

Mihor conoci como: "Letty"
*15-07-1954 - †26-01-2024

Na nomber di su:


Yiunan: Jimmy Mijer, Jeff Mijer

Nieta: Mia Mijer

Rumannan: Gregory Falconi, Renzino Falconi

Subrinanan: Darlene Enelbrecht-Falconi, Carla Schippers-Falconi

Acto di entierro a tuma lugar den seno familiar
diahuebs 1 di februari 2024.



"Señor ta mi wardador, mi'n tin falta di nada.
Den cunucu di yerba berde e ta ponemi sosega.
E ta hibami na awa frankil,
pa mi bolbe haña forsa".
Salmo: 23

Nos ta participa fayecimento di:

Luz Dary Velasco Aguirre

Cariñosamente yama "Dary"
*17-05-1969 - †31-01-2024

Acto di despedida lo wordo anuncia despues



AWEMainta

**Scan nos QR code y
bira abonado di AWEMainta**
Completamente GRATIS

- 1: Usando bo camera di telefon, scan nos QR code na banda.
2. Bay riba "Show Options", "Open in broswer".
3. Yena e formulario.

**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com